

nere amacho pozik zerura  
joandan atsegin bidea,  
eta... negarrak inenderatzen du  
korputz indarrrik gabea,  
esnatutzeko tristeagoa  
goizean biotz nereaa.  
Ez du alperrik Jainkoak egin  
ama naiduen semea;  
biotz nerean berak jarri du  
beti usaidun lorea,  
nere amaren naitasun dena,  
argatik naiz ni berea,

nola amacho, zeñari eman  
dion zeruak echea.  
Goitikan dator unie zurtzaren  
atsegin poz emallea...  
«Zeruan daude Ama Birjiña  
gañera ama zurea»  
goitikan dator itz goño auşe,  
nere tristuren epea,  
ume zurtzaren poz ugaria,  
malko legortutzallea,  
ama nereak bialtzen diran  
biotzerako pakea.

RAMÓN INZAGARAY.

1901

## Euskal-itx jostaldien Batzarrea

(Euskal-festen XX-garren urtea)

### AMA EUSKERAK ELIZTAR BATZUEI OJU BAT



**Berrogei ta amar pezeta eta bitezarra Azpeitiyan irabazitako lenbiziko aldeera**

Leñargi jayo, leñargi bizi  
Zeraten izar nereak,  
Biziro maite dituzutela  
Jaungoikoaren legeak,  
Artaldearen artzai zaudeten  
Doai aundiyan jabeak,  
Kristau guzizko trebeak,  
Illun-en argitzalleak,  
¡Oju triste bat bear dizute  
Gaur egin Ama tristeak,  
Paradisotik etorritako  
Ama oñazez beteak!

¿Nola ez dizute oju egingo  
Ama zar doakabeak,  
Baldin ta baldin desanparatu  
Banaute nere semeak?  
Beragatikan entzun nazute  
Nere semecho maiteak,  
Ta batez ere gazteak,  
Onraren adiskideak,  
Zuek zeraten ezkeroztandik  
Egíyan sendotzalleak,  
Zuek zerate Ama sendatu  
Bear dezuten loreak.

Euskal batzuek orchen dabilta  
 Amaren gaitzez poztuta,  
 Papercho bana erosirikan  
 ¡Zeñenak diran aztuta!  
 Salomon baño bizkorraguak  
 Dirala irudituta,  
 Osoro itz-ontzituta,  
 Chit atso-sukaldetuta,  
 Erdal gaiztoen bizi moduba  
 Guziri ontzat artuta,  
 Zagicho baten moduban daude  
 Buruba aizez puztuta.

Era onetan ¿nola ni bizi,  
 Semeai begiratuta,  
 Erdalkeriyak baldin banauka  
 Osoro menperatuta?  
 Nerekin nere ibar-mendiye  
 Omenak bururatuta  
 Nago ni minberatuta,  
 Ziara naigabetuta;  
 Naukatelako erdal lokatzez  
 Orrela ichusituta  
 Negar ta negar ¡dar dar dar nabill  
 Gurutzeari elduta!

Mintsu ta eri nagoalarikan  
 Naukate elbarrituba,  
 Maisu ta maistra arrotzengandik  
 Gañera persegituba;  
 Erdal biraubak ta blasfemiyak  
 Banaukate zatituba,  
 Nago izarrak kenduba,  
 Erdi larrugorrituba;  
 Bestetik berriz nola nagoan  
 Lege Santubak galduba,  
 ¡Uztarripean arkitutzen naiz  
 Erdaldun katez lotuba!

Indarrak joanta apartatutzen  
 Banaiz ni Gurutzetikan  
 Ez daukat bada eriyotzatik  
 Inñola libratzerikan;  
 Ta era ontan irauteko nik  
 ¿Aldaukat zimendurikan?  
 ¿Aldaukat laguntzarikan  
 Bear dan añakorikan?  
 Eta otsoak jan nai banaute  
 Alderdi denetatikan  
 ¿Zeñek libratu zuek ezpada  
 Ama eriyotzatikan?

Euskal-jostaldien Batzarreak  
 Libratu nai naularikan  
 Diputaziyo chit goitubakin  
 Zintzoro elkaturikan;  
 Urtero urtero ni salbatzeko  
 Festak egiñagatikan,  
 Eltzen diratelarikan  
 Benetan onraturikan,  
 ¡Laister joan bear izango naiz ni  
 Nere paradisitikan  
 Ez banazute bada artutzen  
 Ziñezko naitasunikan!

¡Ai Eliz-tarrak! ¿ez aldezute  
 Neretzat errukirikan  
 Agoni guztiz negargarriyan  
 Ama bat ikusirikan?  
 Ez bazerate azkar kupitzen  
 Ez daukat eskaporikan  
 ¡Jaungoikuaren gatikan!  
 Ez galdu denborarikan;  
 ¿Bai aldizute Amak eskatzen  
 Beste munduko gauzikam  
 Ama sendatzen apur apur bat  
 Nekatutzeko baizikan?

¿Zertan artu nai ezdirazute  
 Amoriyo chit sendua?  
 ¿Ez dagolako bada nerekin  
 Animen salbaziyua?  
 Bañan banaiz ni erdera baño  
 Nerez jakintsubagua,  
 Banaiz aberatsagua,  
 Banaiz chit chukunagua,  
 Banaiz oituraz ta usariyoz  
 Guziro garbiyagua,  
 ¿Ez alnaiz bada izkuntza denak  
 Bañon zerutarragua?

Bestela galde Larramendikin  
 Astarloa ta Mogeli;  
 Mendibururi, Kardaberaz-i  
 Galdetu Añibarrori;  
 Galde Zabala, Uriarte ta  
 Arana, Lardizabal-!  
 Galde altziran ibilli  
 Laguntzen bereri Amari:  
 Galde animak ez altzituzten  
 Paradisora birali;  
 Galde amarrai ez aldauden gaur  
 Zeru goyetan kantari.

¿Bai aldet nere desonrarako  
 Blasfemi nazkagarririk?  
 ¿Zergatik ez det? ez detalako  
 Beste izkuntzen kutsurik.  
 Nere semeak erdal jantzita  
 Armetan dabilzalarik,  
 Boinak nerekin utzirik,  
 Uztarripean loturik,  
 Soldadubaren lan guziyetan  
 Bizkorrenak diralarik,  
 ¿Ezetz euskaraz iñoiz moldatu  
 Ernegu lotsagarririk?

Erderak nere itzak ugari  
 Badauzka arrapatuta;  
 Bañan blasfemi Satanastarrak  
 Nola ditu moldatuta?  
 Nai eta nai ez gaztelaniyan  
 Zortzi deabru bilduta,  
 Ayek erderaz sortuta,  
 Zortziyak ontzat artuta,  
 Gero erdaldun olatu batek  
 Onera karrayatuta,  
 Emenchen daukat otso lapur au  
 Biyotzetikan elduta.

Beragatikan begira jarri  
 Zaitzte Larramendiri,  
 zan ta izango diran euskalen  
 Gidari zuzenenari,  
 Ainbeste egi esan ziozkana  
 Bere Euskal-erriyari,  
 Erririk garbiyenari,  
 Erririk umantenari!  
 Gaur ere zuek jarraitzeakin  
 Aita-len fedetsubari  
 Ni lur azpira naramatenak  
 Juango lirake itzuli....

Nola Bilboon ala Iruñan  
 Deserrituba naukate  
 Bitoriyako uriyan ere  
 ¿Nor naizen bai aldakite?  
 Bi probintziyak oso ta bizi  
 Zokoratzen ez banaute  
 ¿Semeak nai aldirade?  
 ¿Bañan zeñek nau ni maite  
 Gipuzkoako baztar ontara  
 Bultzaka banakarkite?  
 Emen bakarrik? nola ni bizi?  
 ¡Bizi ta ere!... ¿noiz arte?

Galde Apaiz jaun batzuei eta...  
 (Bañan ez Franzisko-tarraí,  
 Zergatik oyek asko nai diyen  
 Amaren birtute zarrái)  
 Galdetu jende aberatsai,  
 Galdetu beartsubenai,  
 Galde neskach ta galayai,  
 Ez jakiñai ta argiyai:  
 Galde milla bat euskal kenduta  
 Naibada beste guziyai  
 ¡Beren onrarik goyen-goyena  
 Sendatzerikan duten nai!

¿Nola ez naiz ni ibillituko  
 Negarrez Eliztarretan  
 Baldin ta baldin arkitzen banaiz  
 Azkeneko asnasetan?  
 ¿Zer esan nai du lagundu arren  
 Euskal-zaleak letretan,  
 Batzuek itz neurtuetan,  
 Besteak itz lariyetan,  
 Gañerakuak desanparatu  
 Banaute guztiz benetan,  
 Errukirikan ez daukatela  
 Amarentzako ezertan?

¿Ez altzerate gogoratutzen  
 Orain ogei ta bost urte  
 Nola ninduten lenaz gañera  
 Erdaldun arantzez bete?  
 Ordu ezkeru ¡odol ustutzen!  
 ¿Ikusten ez alnazute?  
 ¿Euskalak ez altzerate?  
 ¿Ardurik ez aldizute?  
 Ni era ontan ikusirikan  
 Kupitzen ez bazerate  
 Nik darainatan galera bera  
 Gañera datorkizute.

Ez dizutet nik bada esaten  
 Armetan alchatutzeko,  
 Baizik naitasun egiazkobat  
 Zuen onrari artzeko;  
 Eta arreta biziyaekin  
 Amari lagundutzeko,  
 Erdal lokatzak kentzeko,  
 ¡Arantzak ateratzeko!  
 Dizutet benaz erregututzen  
 Ez isillik egoteko,  
 Baizikan nere glori aundiyak  
 Bildochai erakusteko.

Jaungoikoaren seme bakarra  
 Belenen jayo baño len  
 Badakizute Amak Lauburu  
 Nola adoratzen zuben:  
 Gurutz onekin Munduko Jaunak  
 Ala garaitu ninduben;  
 Ta Mesias-en ondoren  
 Orreagan, Beotibarren  
 Errondal eta Aibar-ko Martin  
 Nik bentzutu banintuben,  
 Gaztelaniyan ere moroak  
 ¡¡Euskerak galdu zituben!!

Argatik ala onratutzen nau  
 Inazioren kopetak;  
 Naute onratzen Elkano, Okendo,  
 Lezok eta Urdanetak;  
 Churruka, Andia, Legazpi, Urbie-  
 Idiakez, Gaztañetak. [ta,  
 Badira zaldun galantak  
 Dira ill ezkor umantak:  
 Beste bi milla baditut baña,  
 Ditut agertzen amaikak,  
 Oyek izarrez zituztelako  
 Bete amaren abarkak.

Amaren glori pake gabeak  
 noski poztuko zaituzte;  
 Beintzat euskeragandik jayuak  
 Damutan ez bazaudete.  
 Beraren gatik jarren ta arren!  
 ¡Arren kupitu zaitetze!  
 ¡Arren! sendatu nazute!  
 Nereak bazeradete,  
 Desleyal edo seme dollorrak  
 Izan nai ez badezute,  
 Ni sendotuta Fuero dontsubak  
 Pistuko dizkiratzute.

Zerbaiten gatik deitutzen zuben  
 Zumayan Baertel pijuak  
 Euskera bizi bada pistuko  
 Dirala Euskal-fueruak.  
 Eliz barruban gañera deitu  
 Zuben euskaldun senduak,  
 Euskal-zale onraduak,  
 Euskal, praile, doatsuak,  
 Zer miñarekin esango zuben  
 Diputaziyo goituak  
 ¡Obe giñikek Eleiztar denak  
 Balira orrelakuak!

Naiko dezute noski Fueruak  
 Pistuta ikusitzia  
 Eta erdalen menpetik bildoch  
 Guziyak libratutzia:  
 Dezute naiko artaldeakin  
 Pakea gozatutzia,  
 Eliza sendotutzia,  
 Zintzo errespetatzia.  
 Ta naidezuten ezkeroztandik  
 Animak Zeruratzia  
 ¿Aldezute nai itzkuntzarikan  
 Zerutarrena galtzia?

Ez nuke nai nik bada iñola  
 Zuekin aserratzia;  
 Baizik ni Ama naizen bezela  
 Nainuke maitatutzia.  
 Ez dizutet nik debekatutzen  
 Erderaz izt-egitia;  
 ¿Bañan ez alda tristia,  
 Zuen Ama zar maitia  
 Fuero ta guzi erdal gaiztoak  
 Lurran azpiyan sartzia  
 Eta ondoren nere illeta  
 erderaz kantatutzia?

¿Nai aldezute beti otsoen  
 Menpean bizitutzia  
 Euskera sartu lur azpiyan ta  
 Erderak estalitzia?  
 Ez alda ori erri umant bat  
 Osoro errenditzia,  
 Guziro makurtutzia,  
 Onra guziyak galtzia?  
 ¿Eta ez alda nere kondaira  
 Ederrez ernegatzia,  
 Aitor nai ez ta Cerbantes zana  
 Euskalak omenatzia?

¡Ai Eliztarrak! ez aldet bada  
 Merezi lagundutzia,  
 Erdal lokatzak, erdal arantzak  
 Semeak ateratzia?  
 ¿Ote da lotsa euskaldunentzat  
 Amakin lotaratzia,  
 Amakin esnatutzia,  
 Amakin gosaldutzia,  
 Ama zarrakin bazkaldu eta  
 Amakin afalduzia,  
 Gozotasunak, samintasunak,  
 Amakin igarotzia?

Ez da ez lotsa izar nereak  
 Euskeraz errezatzia,  
 Euskal-jendeak santu guziyak  
 Euskeraz adoratzia;  
 Baizik da onra, ta ez chikiya  
 Euskeraz izkribatzia,  
 Euskeraz kantatutzia,  
 Euskeraz ibillitza,  
 ¿Zer mirari da zuek Amaren  
 Gatikan nekatutzia,  
 Nai badezute zuen onra bat  
 Betiko salbatutzia?

¿Ez aldezute bada chit maite  
 Euskaldun libertadia,  
 Erdal gaiztoak lapurtutako  
 Zori oneko legia?  
 Nai badezute zuek igaro  
 Guztiz bizitza ohea,  
 Bizitza libre-librea,  
 Bizitza paregabea;  
 Badezute nai betiko galdu  
 Lege char gaitzak errea  
 ¡Asi zaitzte ber-bertatikan  
 Sendatzen Ama maitea!

Atozte bada elkaturikan  
 Amaren aldamenera  
 Otezeraten nitzaz kupitzen  
 Amari aitortutzera:  
 ¡Bai gure Ama! ikusten degu  
 Zurekin gure galera:  
 Bañan emendik aurrera  
 Zureak izango gera.  
 Nagiyak edo utzi-samarrak  
 Zuretzat izan bagera,  
 Guk! guk igoko zaitugu laister  
 Erdal izkuntzan gañera!

Aski dezute esan bezela  
 Ni ziñez onratutzia,  
 Nai badezute zuen Amaren  
 Erdal errubak iltzia.  
 Badezute nai Ama erderan  
 Gañetik ikusitza,  
 Aski det maitatutzia,  
 Benetan indartutzia.  
 ¡Jaungoikuari nai dakiyola  
 Zuek nerekin iltzia  
 Zuek Amakin betikotasun  
 Guziya gozatutzia!

RAMOS AZKARATE-KOAK.

